



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Missionis Anglicanæ Societatis Iesv**

**More, Henry**

**Avdomari, 1660**

Duorum Rastallorum. n. 16.

**urn:nbn:de:hbz:466:1-38320**

toris, Confessarij, Monitoris, & annis deinde tredecim in adolescentium coniunctu subregentis officio est perfunctus. Et durauit is quidem ad annum usque millesimum sexentesimum undecimum, Coadiutoris spiritualis formati gradum virtute & doctrina illustrans: atque annos in Societate cum numeraret quadraginta septem, ætatis prope septuaginta, in senectute bona, quam animam cum fructu ad errantes ciues suos in viam reducendos ponere potuisset, Deo reddidit Cœlestibus Ciubis inferendam.

Richardus  
Storey.

XIV. Eundem Coadiutoris Spiritualis gradum virtute & laboribus, varijs in Prouinciis, exantatis, ornauit *Richardus Storæus*, Sarisburiensis. Nam Decimo sexto ætatis anno adscriptus in Societatem Tornaci in Belgio, inde per diversa Collegia delatus in Germaniam, Classium inferiorum præceptis tradendis pluribus annis insudauit. Tum vocatus Lauretum, atque inde Florentiæ, demum Viennæ Austriae confedit, "vbiq & propriæ abnegationis, & humilitatis, virtutum denique solidarum quæ ab unoquoque nostrum requiruntur, expressa linquens vestigia) ut de eo loquuntur annuae Viennenæ. Tertiò deinde expeditionibus Hungaricis aduersus Turcas implicitus, cum ob singularem caritatem, quâ cunctos complectens singulorum necessitatibus seruiebat, omni ordini esset in deliciis, per incredibiles labores, & indefessum proximi iuuandi studium, melioris vitae adiit hereditatem, decimo octavo Septembris anni millesimi sexentesimi. In diario quod sibi viuens fecerat industrius negotiator animarum, repertus est nouem mensibus, qui fuerunt eius vitæ postremi, notasse exceptas vulgi confessiones ter mille ducentas octoginta octo, non adnumeratis pluribus seu discipulorum nostrorum seu aliorum, qui totius vitæ rationes eo tempore apud ipsum depo fuerant.

Ioannes  
Howlett.

XV. Similibus per Transylvanianam expeditionibus destinabatur *Ioannes Howlett* ex Rutlandia oriundus, cum Roma profectus est anno supra millesimum octagesimo sexto. Admissus fuerat Louaniæ anno septuagesimo primo, quo tempore *Leonardus Lessius* inter Tyrones exercebatur ad ea quæ postmodum in Societate & geslit & lcripsit eximia. At noster duos supra viginti annos ætatis recensens antequam natui soli inclemantium fugeret, in Philosophia magister fuerat renuntiatus. Tum Societatem complexus, Theologiam audiuit Duaci: atque deinde decem annos continuos partim in Belgio, partim per Germaniam, Grammaticæ, Rhetoricæ, literis Græcis & Hebraicis, Mathesi etiam & Ethicæ, & denique præceptis de conscientia/tradendis incubuit: donec Vilnam Lithuaniae delatus altero post anno defunctorum est.

XVI. Duo etiam *Raffalli*, *Ioannes* & *Edwardus* ex agro Gloscestrensi admissi Romæ anno sexagesimo octavo, cum nondum aperta nostris esset in Angliam via, Germaniæ iuuandæ destinati sunt. Et Edwardo quidem inter

inter studia Theologica Ingolstadij perficiēda quid porro acciderit incertū. At *Ioannes Sacerdotio* ante ingressum initatus, atque *Hallæ Cōsultoris & Confessarii* munere perfunctus, transmissus Augustam Vindelicorum atq; deinde Ingolstadij Rector memorabili edito facinore diem clausit extreum. *Paulus Hoffeūs* earum regionum Prouincialis, magni nominis atque auctori-  
tatis vir, graui afflictus morbo, iamque postremis Ecclesiæ adiumentis muni-  
tus, vltimam in horas opperebatur vita periodum: Tanti viri iacturam non  
facilè ferendam arbitratus *Ioannes* " Quid, inquit, si me, inutile pondus,  
Deo pro huius vita deuoueam? ) simul ad ædem Saluatoris octo millia pal-  
lium Augusta dissitam le cōlecraturus excurrit. Ratum habuit Deus Religio-  
sum votum: Reuertentem opprimit ægritudo, & lecto affixum, ijsdem pal-  
sibus quibus *Paulus* à morbo conualescit, absumit Eoque fuit gravior hostia  
quo ad tantam sumet abiectionem præter vnam Dei & proximi caritatem,  
momenti nihil accedere poterat.

XVII His etiam Prouincis debetur memoria *Thoma Stephanoni*, quem Thomas  
secundo extorrem vidimus Watenis. Brunæ tamen in Moravia posuit rudi-  
menta Societatis: Tum Olomucij, & Pragæ, Rheticæ, Græcis etiam &  
Hebraicis literis tradendis annos quatuordecim expleuit. Sed altius ut repe-  
tamus huius viri labores, Natus Wndletoniæ in Episcopatu Dumelmensi,  
postquam Rhemis primum, deinde Romæ Philosophiæ & Theologiæ ope-  
ram dedisset, Sacerdotio initatus, in messem Anglicanam auctoriibus *Ala-*  
*nio & Personio* missus est. In Februario anni octogesimi quarti, vt inuetera-  
tum in Catholicos, corūmque in sacris adiutores odium consuetis calum-  
niis & maledictis soueret Magistratus Hæreticus, spectare doctrinæ & in-  
nocentiae Sacerdotes duos scelerata nece sustulerat, *Iacobum Fen & Geor-*  
*giūm Haddock*: postridie eius diei capitur *Stephanonus*, & in arcem Londi-  
nensem compingitur: ad dies viginti septem humus nuda lectus fuit, alios Ita Ribadē  
quadraginta uno minus ferro onustus iacuit; tum anno vertente, vndeclimo neira 1.2.c.  
calendas Februarias, vna cum nouemdecim Sacerdotibus vinculorum sociis 38.  
cogitur exulare. Alij Iunii  
pro Ianua  
rio signant

Inde Romam accessitus, *Personium* quedam ad Historiam adornian-  
tem aliquatdiu iuuit. Tum rursus in Anglia, cum pluribus annis strenue  
laborasset, demum Watenis conquieuit septuagenario maior. Horis sub-  
cisiuis vitam *Thoma Pondi* (quem infra memorabimus) ex ipsiusmet  
*Pondi* aduersariis iusto volumine contexuit, & plura *Personij* opera, vul-  
gari scripta idiomate, latine reddidit; digessit etiam historiam tempo-  
rum ab mundi exordio, sed quæ exercitationi potius seruerunt quam po-  
steritati.

XVIII. *Ioannes Gibbonus* VVellenfis Christi paupertatem *se. Ioannes*  
culi commodis præhabens, Societatem amplexus est Treueris, octauo Gibbons,  
Octobris anni septuagesimi octaui. Studuerat Philosophiæ & Theo-  
logiæ in Collegio Germanorum Roma, eo progreſſu ut in utraque  
C 2 Lauream